

REUNION DI DISTRITO DI CORUBA LO INICIA NA JANUARI

ORANJESTAD(AAN)—
Na luna di Januari, Coruba
cu ta e unico cooperativa

di consumo na Aruba lo
cuminza cu su reunionnan
di distrito pa aña fiscal 82

y 83.
Ta e promer bez cu
Coruba ta tene reunionnan

di dos aña fiscal hunto,
pa asina cuminza pone e
atrazo administrativo up
to date.

Durante e reunionan di
distrito, miembronan lo
haya informacion di e
desaroyo financiero y
manejo di cooperativa di
aña 1982 y 83.

Tambe tur miembro lo
haya oportunidad pa bini
cu pregunta, critica, opi-
nion y deseonan tocante e
cooperativa pa asina yega
na un mehoracion di e ser-
vicio na e miembronan.

Ta di importancia pa
miembronan cu ta interesa
pa participa den un di e
comisoonnan di Coruba o
Asamblea acudi na e
reunion di su distrito.

Ta ser pidi pa no

lubida di trece e charge a
plate pa identificacion na
entrada.

Pa mas informacion o
pa copia di statuut por
acudi na oficina na
Grensweg 2 telefon 46000.

E reunionnan lo
tuma lugar pa Distrito di
Savaneta Diarazon awor 9
di Februari pa 7.30 or
na Heilig Hartschool, pa
San Nicolas Diamars 15 di
Januari pa 7.30 na There-
sia Center, pa Santa Cruz
Diahuebs 17 di Januari
pa 7.30 na Club San Mar-
tin, pa distrito di Oranje-
stad Diarazon 23 di
Januari pa 7.30 or na
Mater Dei Huishoudschool
y pa distrito Noord
Diamars 29 di Januari pa
7.30 na Paso Sigur Huis-
houdschool.

DIVI HOTEL TA BIRA EMPLEADOR MAS GRANDI

ORANJESTAD(AAN)—
Si mester resulta cu dia

31 di maart Lago verdad
cera su portanan, anto lo

ta Divi Hotel, lo bira e
dunador di trabao di mas
grandi di nos isla.

Actualmente Divi Ho-
tels Corp. tin 659 perso-
na emplea, den tur su
proyectonan hunto, esta
Divi Divi Beach Hotel,
Tamarijn Beach Hotel,
Alhambra Casino, Dutch
Village y Tamy Dos,

Despues di dia 31 di
Maart, e compania aki lo
keda como esun cu mas
tanto empleado na Aruba
y algun luna despues e
cantidad lo aumenta dras-
ticamente tambe.

Esaki pa motibo cu den-
tro di mas o menos seis
luna lo bini cla cu e pro-
yecto di recreacion di Di-
vi Hotels, si e construc-
cion tuma lugar den mes
sistema cu a ser haci cu
Alhambra Casino.

Pa e centro di recrea-
cion aki cu su nightclub-
nan y restaurantnan y
pacusnan etc. lo ser em-
plea algun cien persona
mas. DIARIO algun si-
man pasa a relata amplia-
mente ariba e proyecto
aki y ta ser spera cu
pronto lo cuminza cu e
construccion.

SIMAR TA TENE REUNION EXTRAORDINARIO

ORANJESTAD(AAN)—
Pa awe noch 8 or den
sede di Simar na Sabana
Blanco a ser convoca un
reunion extraordinario
di e sindicato di maestron
di Aruba.

Segun Simar, Sindicato-
nan Arubiano ta para di-
lanti un cambio impor-
tante cu lo bay tin su
consecuencia ariba exis-
tencia di sindicalismo na
Aruba, y pesey e sindica-
to a convoca e reunion
aki.

Lo ser trata den e reu-

nion di awe noch 8 or
cacion di un gobierno na-
cional cu ta topico di dia
y tambe di e invitacion
na sindicatonan pa forma
parti di gobierno di Aru-
ba.

Den e reunion di awe
noch 8 miembronan di e
sindicato di maestronan
mester tuma decision ari-
ba e politica di e sindica-
to relaciona cu e topico-
nan cu ta ser treci dilanti
pa asina e Sindicato for-
mula su punto di bista.


LIMPIEZA DI TUBERIANAN

ORANJESTAD(AAN)—
WEB ta continua cu su
trabao di limpieza
di tuberianan di awa.
Awe for di 8 or di mainta
te cu 5 or atardi tuberianan
lo ser haci limpi den
e siguiente cayanan:
Scopetstraat, Boonchi di

Strenastraat, tambe den
Tunastraat y vecindario.

Gerencia di WEB ta
spera cu e habitantenan
den e barionan menciona
lo tuma bon nota di e in-
conveniencia temporario
aki.

ROYAL PRINCESS NA ARUBA



ORANJESTAD(AAN)—
Awe mainta ta drenta
den waf di Aruba e bapor
di turista, Royal Princess
cu por acomoda 1200 pa-
sahero.

E bapor aki tin sola-

mente dos luna bieuw y
ta haciendo su prome bi-
shita na Aruba.

E ta un bapor di 45 mil
tonelada bruto, 231 me-
ter y 55 meter halto.

Royal Princess ta na-

vega bao di bandera In-
gles y ta di e compania
P. & O. Lines.

E ta un di e barconan di
pasahero mas grandi cu ta
bini Aruba.

MADRUGA FALTA SERVICIO DI CAFETERIA NA AEROPUERTO

ORANJESTAD(AAN)—
Ultimo tempo a drenta
varios keho encuanto falta
di servicio di cafeteria na
aeropuerto den oranan di
madruga.

Pasajeronan cu ta
presente na aeropuerto na
e horanan menciona no
por haya poco awa, coffee,
o cualquier cos pa come.

Especialmente ora
vuelonan ta laat y no tin
nada pa cumpra, e
problema ta manifesta
su mes.

E asunto aki ta causa
un impresion malo pa
extranjeronan cu ta bini
nos isla.

Den pasado varios
persona a yega di pidi
permiso pa establece uno
o mas kiosco na aeropuer-
to pafor, pero aparente-
mente esaki a ser nenga.

Un informante a bisa
cu awor si ta bira tempo
pa autoridad tuma nota
di un que otro cu ta nece-
sario pa nos turistanan.



NO MISHI
CU E
VENENO
CU YAMA
DROGA.

BON AÑA 1985

JUDELLA Mini-Mercado

A BAHÁ PRIJS !



Sopi	3,00
Mula	2,90
Porkchop	3,75
Stoba	4,40
Steak	5,00
Lomito	10,00

Cura Cabai Mini-Mercado

(antes Exito) N.C.C. 24

TAMBE A BAHÁ PRIJS